



REPUBLIKA E KOSOVËS  
REPUBLIKA KOSOVA/REPUBLIC OF KOSOVO

Komuna e Kaçanikut

Opština Kaçanik/Municipality of Kaçanik



REPUBLIKA E KOSOVËS  
REPUBLIKA KOSOVA  
KOMUNA E KAÇANIKUT  
OPŠTINA KAÇANIK



Zyra e Kryetarit

Kaçanik, 15.05.2026

I	Data	15.05.2026	Vendi	KAÇANIK
Nj. org.	Numri	Shtojcë		
	01-104/02-11369	26		

Në bazë të Rregullores MF–Nr. 04/2017 mbi kriteret, standardet dhe procedurat e financimit publik të OJQ-ve dhe Ligjit Nr. 10/L-001 mbi ndarjet buxhetore për Buxhetin e Republikës së Kosovës për vitin 2026, Komuna e Kaçanikut, përkatësisht Zyra e Kryetarit, shpall këtë:

## THIRRJE PUBLIKE

### për ofrimin e mbështetjes financiare publike për financimin e projekteve/programeve të OJQ-ve

#### 1. Qëllimi i thirrjes publike

Kjo thirrje publike ka për qëllim mbështetjen financiare publike të projekteve/programeve të organizatave joqeveritare që trajtojnë njërën ose më shumë nga fushat në vijim: mbështetjen sociale dhe familjare për grupet në nevojë; ofrimin e kujdesit, këshillimit, avokimit dhe mbështetjes psikosociale; përkujdesjen ndaj veteranëve, invalidëve të luftës, familjeve të dëshmorëve, martirëve dhe kategorive të dala nga lufta e UÇK-së; organizimin e aktiviteteve përkujtimore, edukative dhe sensibilizuese; promovimin dhe ruajtjen e vlerave të luftës së UÇK-së dhe të trashëgimisë së saj historike; si dhe aktivitetet që forcojnë solidaritetin shoqëror, kujtesën institucionale dhe përfshirjen e komunitetit në mbështetje të këtyre kategorive.

#### 2. Organizatat që ftohen të aplikojnë

Komuna e Kaçanikut – Zyra e Kryetarit, duke u bazuar në Rregulloren MF–Nr. 04/2017 mbi kriteret, standardet dhe procedurat e financimit publik të OJQ-ve, fton të gjitha organizatat joqeveritare të regjistruara në Republikën e Kosovës, me bazë në Komunën e Kaçanikut, për aplikim për mbështetje financiare publike – subvencionim të projekteve/programeve të tyre, programi i punës i të cilave është i fokusuar në zhvillimin e aktiviteteve këshilluese, avokuese dhe ofrimin e drejtpërdrejtë të shërbimeve sociale dhe familjare, si dhe në ruajtjen, promovimin dhe përkujdesjen institucionale për kategoritë e dala nga lufta e UÇK-së.

#### 3. Fushat dhe aktivitetet që mund të mbështeten

OJQ-të, në përputhje me këtë thirrje publike, mund të aplikojnë me projektet/programet e tyre, të cilat duhet të kenë për objektiv zbatimin e aktiviteteve të ndryshme për mbështetjen e grupeve në nevojë dhe ofrimin e shërbimeve sociale dhe familjare, respektivisht kujdesin, avokimin, këshillimin dhe mbështetjen psikosociale, promovimin e vlerave të luftës së UÇK-së, ruajtjen e vlerave të luftës çlirimtare, kujdesin ndaj veteranëve, invalidëve të luftës, familjeve të dëshmorëve, martirëve dhe kategorive tjera të dala nga lufta e UÇK-së.

Aktivitetet e pranueshme mund të përfshijnë, por nuk kufizohen vetëm në:

- organizimin e aktiviteteve përkujtimore, edukative dhe sensibilizuese;
- aktivitete për promovimin dhe ruajtjen e vlerave të luftës së UÇK-së dhe trashëgimisë së saj historike;
- kujdes, këshillim, avokim dhe mbështetje psikosociale për kategoritë në nevojë;
- aktivitete që forcojnë solidaritetin shoqëror dhe përfshirjen e komunitetit në mbështetje të këtyre kategorive;
- aktivitete që kontribuojnë në ruajtjen e kujtesës institucionale dhe historike në Komunën e Kaçanikut.

#### **4. Vlera e mbështetjes financiare**

Vlera totale e planifikuar e kësaj thirrjeje publike është 4,500.00 €.

Shuma minimale e mbështetjes financiare që mund të alokohet për çdo projekt individual është 1,000.00 €, ndërsa shuma maksimale për një projekt është 4,500.00 €.

Komuna e Kaçanikut – Zyra e Kryetarit rezervon të drejtën që, varësisht nga cilësia e aplikimeve dhe buxheti në dispozicion, të mbështesë një ose më shumë projekte/programme.

#### **5. Afati për dorëzimin e aplikacioneve**

Afati për dorëzimin e propozimeve/aplikacioneve është 15 ditë pune, duke filluar nga data 15.05.2026 dhe përfundon më datën 05.06.2026, deri në ora 16:00.

Aplikacionet e dorëzuara pas afatit të përcaktuar me këtë thirrje publike nuk do të merren në shqyrtim.

#### **6. Kushtet për aplikim**

Të drejtë aplikimi me projektet/programet e tyre kanë OJQ-të që janë të regjistruara në regjistrin e organizatave joqeveritare në Republikën e Kosovës dhe të cilat veprojnë në Republikën e Kosovës së paku një (1) vit para datës së publikimit të kësaj thirrjeje publike.

OJQ-të duhet të kenë kryer transaksionet financiare në mënyrë transparente, sipas legjislacionit për OJQ-të në Republikën e Kosovës dhe në përputhje me rregullat e kontabilitetit, si dhe të kenë përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike.

Para nënshkrimit të kontratës, OJQ-ja duhet të paraqesë prova se personi përgjegjës në OJQ dhe menaxheri i projektit nuk janë nën hetime për vepra penale, si dhe prova se OJQ-ja ka zgjidhur çdo çështje të hapur rreth pagesës së kontributeve dhe tatimeve të papaguara, nëse është e aplikueshme.

Nuk do të mbështeten projekte/programme që kanë karakter politik apo partiak, që paraqesin financim të dyfishtë për të njëjtat aktivitete, apo që bien ndesh me legjislacionin në fuqi dhe me qëllimin e kësaj thirrjeje publike.

#### **7. Dokumentacioni dhe mënyra e aplikimit**

Propozimet do të dorëzohen vetëm në formularët e paraparë, të cilët janë në dispozicion në faqen zyrtare të Komunës së Kaçanikut:

<https://kacanik.rks-gov.net/shpalljet/>

(rubrika: SHPALLJET)

Dokumentet e kompletuara duhet të dorëzohen fizikisht në objektin e Komunës së Kaçanikut, te sporteli nr. 8, kati i parë, në zarf të mbyllur, me mbishkrimin:

**“Aplikim për mbështetje financiare publike për OJQ – Zyra e Kryetarit”**

- Të mos hapet para mbledhjes së Komisionit Vlerësues -

Do të konsiderohen për mbështetje financiare vetëm projektet/programet që janë pranuar brenda afatit të paraparë me këtë thirrje publike dhe të cilat i përmbushin plotësisht kushtet e përcaktuara në thirrje dhe në dokumentacionin përcjellës të saj.

**8. Vlerësimi, kontraktimi dhe raportimi**

Vlerësimi i aplikacioneve do të bëhet nga Komisioni Vlerësues i themeluar nga Komuna e Kaçanikut, në përputhje me Rregulloren MF-Nr. 04/2017 dhe dokumentacionin e kësaj thirrjeje publike.

Pas përfundimit të procesit të vlerësimit, rezultatet do të publikohen në faqen zyrtare të Komunës së Kaçanikut. OJQ-të përfituese do të lidhin kontratë me Komunën e Kaçanikut dhe janë të obliguara që mjetet e ndara t'i shfrytëzojnë vetëm për qëllimet e mirat dorëzojnë raport narrativ dhe financiar pas përfundimit të projektit/programit.

**Sabedin Vishi**

Kryetar i Komunës

